



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL
"Unha maneira de facer Europa"

FONDO SOCIAL EUROPEO
"O FSE inviste no teu futuro"

ACORDO DE COLABORACIÓN ENTRE A SECRETARÍA XERAL DA IGUALDADE DA PRESIDENCIA DA XUNTA DE GALICIA E A DIRECCIÓN XERAL DE PLANIFICACIÓN E FONDOS (ORGANISMO INTERMEDIO DO PROGRAMA OPERATIVO FSE GALICIA 2007-2013 E DO PROGRAMA OPERATIVO FEDER GALICIA 2007-2013)

Santiago de Compostela, 4 de outubro de 2010

REUNIDAS


Dunha parte, Dona Marta González Vázquez, secretaria xeral da Igualdade, en virtude do Decreto 2006/2009, do 23 de abril do seu nomeamento e de conformidade co disposto no Decreto 82/2009, do 21 de abril, polo que se establecen os centros directivos dependentes da Presidencia da Xunta de Galicia, e no Decreto 325/2009, do 18 de xuño, de estrutura orgánica dos órganos superiores dependentes da Presidencia da Xunta de Galicia.


Doutra parte, Don Francisco Javier Rodríguez Seijo, director xeral de Planificación e Fondos en virtude do Decreto 294/2009 de 14 maio de 2009, do seu nomeamento e de conformidade co disposto no Decreto 307/2009, do 28 de maio, polo que se establece a estrutura orgánica da Consellería de Facenda e no exercicio das facultades que lle confire o artigo 34 da Lei 1/1983, do 22 de febreiro, de normas reguladoras da Xunta e da súa Presidencia.



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL
"Unha maneira de facer Europa"

FONDO SOCIAL EUROPEO
"O FSE inviste no teu futuro"

As partes interveñen en función dos seus respectivos cargos, no exercicio das facultades que para convir en nome das entidades que representan teñen conferidas, recoñecéndose mutua e respectiva competencia e capacidade suficiente para formalizar o presente acordo de colaboración e, para estes efectos

EXPOÑEN:

Primeiro.- Que á Secretaría Xeral da Igualdade, segundo o artigo 4º do Decreto 325/2009, do 18 de xuño, de estrutura orgánica dos órganos superiores dependentes da Presidencia da Xunta de Galicia, correspóndenlle, entre outras funcións, impulsar a incorporación da perspectiva de xénero en todas as normas, políticas, actuacións, plans e estratexias da Xunta de Galicia, promover a igualdade de oportunidades entre mulleres e homes e accións no eido da eliminación da violencia de xénero, segundo o disposto na Lei 7/2004, do 16 de xullo, galega para a igualdade de mulleres e homes, e na Lei 11/2007, do 27 de xullo, galega para a prevención e o tratamiento integral da violencia de xénero, así como tamén propor medidas, programas e normas dirixidas á promoción do exercicio efectivo dos dereitos das mulleres, a incrementar a súa participación na vida económica, laboral, política, social e cultural e a eliminar as discriminacións existentes entre sexos.

Que no exercicio destas funcións, a Secretaría Xeral da Igualdade, no marco da súa participación nos Programas Operativos P.O. Galicia FSE 2007-2013 e P.O. FEDER Galicia 2007-2013, promove diferentes accións de participación e colaboración con outros departamentos, elabora directrices destinadas a acadar a igualdade real e efectiva das mulleres e dos homes en todos os ámbitos da vida económica, cultural e social, presta asesoramento sobre perspectiva de xénero e deseña programas de acción positiva para as mulleres.



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL
"Unha maneira de facer Europa"

FONDO SOCIAL EUROPEO
"O FSE inviste no teu futuro"

Segundo.- Que á Dirección Xeral de Planificación e Fondos, segundo o artigo 22 do Decreto 307/2009, do 28 de maio, polo que se fixa a estrutura orgánica da Consellería de Facenda, correspónelle, entre outras funcións, o seguimento das actuacións e do impacto económico a medio prazo da política económica da Administración autonómica, e das políticas comunitarias, nacionais e rexionais, a relación sobre materias relativas á Unión Europea (UE) e á política económica, tanto no ámbito da comunidade autónoma como doutras administracións, a través dos órganos colexiados de coordinación que correspondan ou das diversas comisións sectoriais establecidas, así como tamén a coordinación e o impulso de actuacións da Administración autonómica en materias relacionadas coas políticas rexionais e sectoriais da Unión Europea.

Que nas Disposicións de Aplicación dos Programas Operativos FEDER e FSE GALICIA 2007-2013 a Dirección Xeral de Planificación e Fondos da Xunta de Galicia figura como encargada de executar determinadas actividades dentro das funcións que lle corresponden á Autoridade de Xestión de cada Programa Operativo. Así de conformidade co artigo 59.2 do Regulamento (CE) 1083/2006 esta Dirección Xeral foi designada Organismo Intermedio dos citados Programas Operativos e polo tanto ten que establecer procedementos para garantir que as operacións que se financian con estes fondos FEDER e FSE se realizan de conformidade cos criterios aplicables a cada Programa Operativo e se ateñen ás normas comunitarias aplicables.

Que o artigo 16 do Regulamento (CE) 1083/2006 establece que os Estados Membros e a Comisión “velarán por promover a igualdade entre homes e mulleres e a integración das cuestións de xénero nas diferentes etapas da execución dos Fondos”.

Terceiro.- Que os obxectivos xerais do Fondo Social Europeo (FSE) na Unión Europea son o pleno emprego, a igualdade entre mulleres e homes, desenvolvemento sostible e a cohesión económica e social. A estratexia do FSE en España foi deseñada a partir de tres obxectivos estratégicos, acordes cos anteriores, e entre os que está fomentar a igualdade entre mulleres e homes, no eixo 2 da estratexia de desenvolvemento do FSE en España.

As actuacións que se financian a través do P.O. FSE Galicia 2007-2013 están relacionadas fundamentalmente co impulso das seguintes cinco prioridades: espírito



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL
"Unha maneira de facer Europa"

FONDO SOCIAL EUROPEO
"O FSE inviste no teu futuro"

empresarial e adaptabilidade de traballadores/as, empresas e empresarios/as, empregabilidade, inclusión social e igualdade entre homes e mulleres, capital humano, cooperación trasnacional e interrexional e asistencia técnica. No ámbito do citado Programa Operativo partiuse da descripción das principais variables socioeconómicas, do mercado de traballo e do ámbito educativo. Neste sentido, na diagnose do programa operativo procedeuse a desagregar por sexos os indicadores para detectar eventuais comportamentos diferenciados en función do sexo. A descripción permitiu describir a estrutura da poboación por sexo e idades e sinalou os trazos dunha demografía caracterizada por unha representación sinalada de poboación en idade laboralmente activa. Dende unha perspectiva de xénero isto implica atender á situación laboral das mulleres nun período do ciclo vital influenciado polos problemas de desconciliación. Pero ademais, a estrutura de poboación móstranos outra tendencia á feminización do envellecemento. Os problemas de inserción laboral das mulleres ou os derivados da súa maior lonxevidade deberán, polo tanto ser tidos en conta, de forma específica, cando se interveña en materia de inclusión social para reflectir a existencia de dobre discriminación e para actuar de forma integral sobre as súas consecuencias así como sobre as causas.

A desigualdade entre mulleres e homes constitúe unha realidade con reflexo estatístico en moitos dos ámbitos de interese para o Programa Operativo FSE Galicia 2007-2013. Tamén en relación cos usos do tempo resulta relevante destacar o comportamento desigual en razón do sexo das persoas. En definitiva, mentres as responsabilidades produtivas e reprodutivas non se repartan máis equitativamente non se poderá gozar nin dun mercado de traballo igualitario nin dun escenario de conciliación da vida familiar, persoal e profesional razoablemente construído.

Cuarto.- Para que o desenvolvemento dos eixos do P.O. FSE Galicia 2007-2013 dean cobertura a esas debilidades, consideráronse diferentes ámbitos horizontais á hora de deseñar as liñas de actuación, estando entre esos ámbitos a igualdade de oportunidades. Así no eixo 1 deseñáronse accións específicas que permitan, á vista das desigualdades diferenciais postas de manifesto na análise de diagnóstico realizado, contribuir a mellorar a posición da muller no mercado de traballo a través de solucións especializada de autoemplego, asesoramento, igualdade retributiva, acceso a postos de maior



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL
"Unha maneira de facer Europa"

FONDO SOCIAL EUROPEO
"O FSE inviste no teu futuro"

responsabilidade e, mesmo, de apoio á contratación indefinida, dadas as súas maiores dificultades de inserción e promoción. Por outro lado, de cara a favorecer a inserción de toda a ciudadanía, fomentouse a *non discriminación* das persoas por motivos de raza, xénero ou por calquera outro motivo de exclusión. Por conseguinte, os grupos menos favorecidos beneficiaranse de actuacións concretas, sobre todo, en materia de reforzo de competencias e outras actuacións para acceder, de xeito estable, ao mercado de traballo (asesoramento, campañas de sensibilización, contratación indefinida, etc.).

Os principios transversais de igualdade de xénero e non discriminación cobran especial relevancia no ámbito do presente Eixe 2, que recolle accións específicas nestas dúas áreas de actuación. En particular, para fomentar a *igualdade de xénero* deseñáronse accións específicas que permitan, á vista das desigualdades diferenciais postas de manifesto na análise de diagnóstico realizado, contribuír a mellorar a posición da muller no mercado de traballo galego a través de solucións concretas de conciliación laboral e profesional e de igualdade de oportunidades, ademais de actuacións de sensibilización, coeducación e corresponsabilidade.

E no que atinxe ao eixo 3 para fomentar a *igualdade de xénero* prevense actuacións específicas que permitan, á vista das desigualdades diferenciais postas de manifesto na análise realizada -sobre todo no relativo ao menor peso do persoal investigador feminino- contribuír a mellorar a posición das mulleres no mercado de traballo a través de solucións concretas, neste caso, de fomento e de incorporación ao ámbito investigador científico técnico.

Quinto.- Que a Secretaría Xeral da Igualdade e a Dirección Xeral de Planificación e Fondos, no exercicio das súas competencias, consideran necesario encadrar nun Acordo de colaboración o establecemento de accións conxuntas dirixidas a garantir o cumprimento da incorporación da perspectiva de xénero nas actuacións realizadas no marco dos Programas Operativos FSE Galicia 2007-2013 e FEDER Galicia 2007-2013.

Polo tanto, existindo un interese mutuo coincidente, e en aras de dar un axeitado cumprimento aos intereses xerais, as dúas partes acordan concertar este acordo consonte ás seguintes



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL
"Unha maneira de facer Europa"

FONDO SOCIAL EUROPEO
"O FSE inviste no teu futuro"

CLÁUSULAS

Primeira.- Obxecto.

O presente acordo ten por obxecto establecer as condicións de colaboración entre a Secretaría Xeral da Igualdade e a Dirección Xeral de Planificación e Fondos, respecto das accións a desenvolver dirixidas á garantir o cumprimento da incorporación da perspectiva de xénero nas actuacións realizadas no marco do Programa Operativo FSE Galicia 2007-2013 e do Programa Operativo FEDER Galicia 2007-2013.

Segunda.- Compromisos das partes.

Para a realización das accións obxecto do presente acordo, as partes asinantes asumen os seguintes compromisos:

A Secretaría Xeral da Igualdade, comprométese a:

- 1.- Facilitar información e asesoramento cando así o demande a Dirección Xeral de Planificación e Fondos.
- 2.- Colaborar na realización dos materiais que se estimen necesarios no desenvolvemento das actividades dos grupos de traballo aos que se alude na presente cláusula deste acordo.
- 3.- Colaborar coa Dirección Xeral de Planificación e Fondos na realización das accións de sensibilización, divulgación e, se é o caso, formación, que se estimen necesarias.
- 4.- Colaborar no seguimento das actividades obxecto deste acordo.

A Dirección Xeral de Planificación e Fondos, comprométese a:

- 1.-Procurar a participación da Secretaría Xeral de Igualdade en todas aqueles grupos de traballo constituidos coa finalidade de aplicación da perspectiva de xénero na xestión de actividades finanziadas con fondos europeos FSE e FEDER.



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL
"Unha maneira de facer Europa"

FONDO SOCIAL EUROPEO
"O FSE inviste no teu futuro"

- 2.- Promover a colaboración da Secretaría Xeral de Igualdade con todos os responsables da execución, control e seguemento dos programas operativos FSE e FEDER Galicia 2007-2013.
- 3.-Solicitar o asesoramento especializado dos expertos en materia de igualdade de xénero da Secretaría xeral de Igualdade para articular a implantación das medidas de aplicación da perspectiva de xénero na xestión dos programas operativos FSE e FEDER GALICIA 2007-2013.
- 4.- Ter en conta, difundir e divulgar as recomendacións emitidas pola Secretaría xeral de Igualdade referentes á perspectiva de xénero en calquera aspecto ou fase de execución dos programas operativos FSE e FEDER Galicia 2007-2013.

Terceira.- Financiamento.

O custo da execución das actividades que leva consigo o desenvolvemento deste acordo será asumida polas partes asinantes, segundo os compromisos establecidos por cada unha das partes na cláusula segunda, sen que exista, ao abeiro do presente acordo, achega económica a favor de ninguna das partes.

Cuarta.- Seguemento.

Constituirase unha comisión mixta integrada, polo menos, por dúas persoas representantes por cada unha das partes que asinen o presente acordo, para velar polo cumprimento deste, avaliar a súa posta en marcha e resolver os problemas de interpretación e cumprimento que poidan xurdir.

Para a válida constitución da comisión mixta para os efectos das deliberacións e toma de s requérirase a presencia de todas/os os/as seus/súas representantes que adotarán os seus s por maioría.

Quinta.- Publicidade e difusión.

Este acordo será obxecto de publicación de co previsto no artigo 11.1 da Lei 4/2006, de transparencia e boas prácticas na Administración pública galega e conforme coa disposición adicional do Decreto 132/2006, de 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, dos orzamentos xerais da CCAA para o exercicio 2006.



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL

"Unha maneira de facer Europa"

FONDO SOCIAL EUROPEO

"O FSE inviste no teu futuro"

As partes asinantes do presente acordo comprométense a destacar en cantas actividades realicen para a difusión das accións previstas no acordo, a cofinanción do FSE ou do FEDER no seu caso, a colaboración prestada por todos os partícipes neste, así como incorporar o seu logotipo en certos materiais se reproduzán e utilicen para a publicidade e difusión das actividades realizadas

Sexta.- Vixencia.

O presente acordo terá vixencia desde a data da súa sinatura ata o remate do período de elexibilidade dos programas operativos FSE e FEDER 2007-2013. Calquera das partes poderá denunciar o acordo cunha antelación mínima de 15 días á data na que vaia a darse por finalizado. Esta finalización non afectará ao desenvolvemento e conclusión das actividades que estivesen executándose.

Séptima.- Modificacións.

Os termos do presente acordo de colaboración poderán ser modificados de mutuo entre as partes asinantes. A modificación incorporarase como parte inseparable do texto do acordo.

Oitava.- Causas de resolución.

Será causa de extinción o incumprimento das presentes cláusulas por algunha das partes, calquera que sexa a súa causa. O dito incumprimento determinará a obriga de indemnizar, se é o caso, as outras partes asinantes polos danos e prexuízos ocasionados.

Tamén será causa de resolución, o mutuo e a imposibilidade sobrevida de cumplir as actividades descritas.

Novena. – Normativa aplicable.

O presente acordo rexerase pola Lei 4/2006, de transparencia e boas prácticas na Administración pública galega.

Décimo .- Carácter administrativo .



XUNTA DE GALICIA



XACOBEO 2010
Galicia



FONDO EUROPEO DE
DESENVOLVIMENTO REXIONAL
"Unha maneira de facer Europa"

FONDO SOCIAL EUROPEO
"O FSE inviste no teu futuro"

Este acordo ten carácter administrativo, séndolle de aplicación a exclusión recollida no artigo 4.1d) da Lei 30/2007, do 30 de outubro, de contratos do sector público, e rexerase nos seus efectos polo establecido nas súas cláusulas e no non previsto nestas así como para a resolución das dúbidas que se puideran presentar, polos principios da Lei 30/2007, do 30 de outubro, de contratos do sector público.

Dada o carácter xurídico-administrativo deste acordo, será a xurisdicción contencioso administrativa a competente para resolver as cuestións litixiosas que poideran xurdir entre as partes durante a execución do mesmo.

E para que conste e para os efectos oportunos, en proba de conformidade, as partes asinan o presente acordo de colaboración, por duplicado exemplar, no lugar e data sinalados no encabezamento.

A secretaria xeral da Igualdade



Marta González Vázquez

O director xeral de Planificación e Fondos



Francisco Javier Rodríguez Seijo